



# JU KANTONALNA BOLNICA ZENICA DIREKTOR

Adresa: Crkvice 67, 72000 Zenica, Bosna i Hercegovina Direktor: 032 447 010  
Centrala: 032 447 000 fax: 032 226 576 E-mail: kbzenica@kbze.ba

Identifikacijski broj: 4218136720007

Registrovano kod Kantonalnog suda u Zenici Rj.br: U/I 486/98 od 09.04.1999.

Broj: 33-02- 1690 /21  
Zenica, 23.03.2021. godine.

Na osnovu člana 69. i 70. Zakona o javnim nabavkama ("Službeni glasnik BiH" broj: 39/14), člana 21. Pravilnika o javnim nabavkama JU Kantonalne bolnice Zenica (broj: 20/1-1-17555 od 24.08.2016 godine), direktor Kantonalne bolnice Zenica, donosi

## ODLUKU

### I

Vrši se odabir ponude ponuđača „MEDICAL“ D.O.O. MOSTAR, u predmetu nabavke usluge - održavanje medicinske opreme proizvođača GE za potrebe JU Kantonalna bolnica, ukupne procjenjene vrijednosti 16.000,00 KM bez uračunatog PDV-a na period od 2 (dvije) godine i dodjeljuje se okvirni sporazum odabranom ponuđaču na procjenju vrijednost u iznosu od 16.000,00 KM bez PDV-a na period od 2 (dvije) godine.

**Sa odabranim ponuđačem iz stava I, a nakon pravosnažnosti iste, zaključit će se okvirni sporazum na period od 2 /dvije/ godine na ukupnu procjenjenu vrijednost ponude u predmetnoj nabavci u iznosu od 16.000,00 KM bez PDV-a.**

### II

Javna nabavka je provedena putem konkurentskog postupka sa namjerom provođenja e-aukcije (62-N-20/20).

### III

Ova odluka stupa na snagu danom donošenja.

## OBRAZLOŽENJE

U skladu sa članom 5. i 8. Pravilnika o uspostavljanju i radu Komisije za nabavke (Službeni glasnik BiH, broj: 103/14), Komisija za nabavku usluge: održavanje medicinske opreme proizvođača GE za potrebe JU Kantonalna bolnica (tender broj: 62-N-20/20) imenovana Odlukom direktora broj: 01-02-495-3/20 od 09.12.2020. godine podnosi direktoru JU Kantonalna bolnica Zenica izvještaj o provedenom postupku javne nabavke usluge - održavanje medicinske opreme proizvođača GE za potrebe JU Kantonalna bolnica (tender broj: 62-N-20/20).

Odlukom direktora broj 01-02-495-2/20 od 09.09.2020. godine pokrenut je postupak javne nabavke usluge: održavanje medicinske opreme proizvođača GE za potrebe JU Kantonalna bolnica (tender broj: 62-N-20/20), ukupne procijenjene vrijednosti 16.000,00 KM bez PDV-a, putem otvorenog postupka, a u skladu sa članom 19. stav (1). Zakona o javnim nabavkama BiH.

### Komisija je utvrdila sljedeće:

- da je na portalu „E-nabavke“ dana 22.02.2021. godine, objavljeno je obavještenje o nabavci broj 669-7-2-45-3-99/21 i TD sa namjerom provođenja e-aukcije, te rokom prijema ponuda i javnim otvaranjem ponuda zakazanim za dan 08.03.2021. godine, te izmjenjena TD od 04.03.2021. – Ispravka obavještenja o nabavci broj: 669-7-2-45-8-108/21 sa rokom prijem ponuda i i javnim otvaranjem ponuda zakazanim za dan : 16.03.2021. godine.

Predmet: Izmjena dijela 16.03.2021 dokumentacije (konkurentski postupak, broj: 62-N-20/20) nabavka usluge – održavanje medicinske opreme proizvođača „GE“ za potrebe JU Kantonalna bolnica Zenica

Komisija za javnu nabavku u JU Kantonalna bolnica Zenica (konkurentski postupak, broj: 62-N-20/20) je na zatvorenom sastanku dana 04.03.2021. godine, izvršila uvid u tendersku dokumentaciju na osnovu upita potencijalnog ponuđača, te izvršila izmjenu dijela TD koji se odnosi na garanciju na pruženu uslugu, mi to u dijelovima kako slijedi:

1. U tački 3.5. TD izjava pod stavkom 2. mijenja i sada glasi: „Izjava o davanju garancije na pruženu uslugu od najmanje 3 /tri/ mjeseca od dana pružanja usluge“.
2. Član 9. nacrta okvirnog sporazuma se mijenja i sada glasi: „Garantni rok za pružene usluge iznosi 3 /tri/ mjeseca“ .

S ciljem otklanjanja greške, a u cilju obavještanja i jednakog tretmana svih potencijalnih ponuđača, daje sljedeće pojašnjenje i mijenja tendersku dokumentaciju u određenim dijelovima, a ista će biti postavljena na Portalu i dostupna svim ponuđačima.

Navedene izmjene se uvrštavaju u objavljenu TD. smataju se njenim sastavnim dijelom i bit će dostavljene svim potencijalnim ponuđačima putem sistema „E-nabavke“.

Obzirom da izmjena utiče na osnovnu TD, Komisija smatra da je neophodno pomjeriti dostavljanje i otvaranje ponuda u predmetnoj javnoj nabavci za 7 /sedam/ dana.

- da je planirano zaključivanje okvirnog sporazuma sa jednim ponuđačem na period od 2 (dvije) godine,
- da je na portalu „E-nabavke“ bilo postavljenih upita vezano za predmetnu nabavku i to:
- dana 03.03.2021. godine, potencijalni ponuđač se obratio Komisiji za javnu nabavku putem portala „E-nabavke“ sa sljedećim upitom:  
Molimo Vas da uradite ispravku nacрта okvirnog sporazuma, član 9.u kojem ste naveli da je garantni rok za izvršene usluge 6 mjeseci.  
Garantni rok za izvršene usluge je 3 mjeseca.  
Također poslije ispravke na portal EJN da produžite I rok za predaju, kako bi sve stiglo na vrijeme.
- Komisija za javnu nabavku u je dana 04.03.2021. godine odgovorila:  
Poštovani,  
na portalu JN je objavljena izmjenjena tenderske dokumentacije te pomjeren rok za preuzimanje iste.  
Lp
- da je sa portala „E-nabavke“ tendersku dokumentaciju objavljenu 22.02.2021. godine, preuzelo ukupno 5 (pet) potencijalnih ponuđača, a izmjenu TD od 04.03.2021. preuzelo ukupno 2 (dva) potencijalna ponuđača.
- da je javno otvaranje ponuda bilo dana 16.03.2021.godine u 11,00 sati
- da je na javnom otvaranju ponuda nisu prisustvovali predstavnici ponuđača,
- da je na tender broj 62-N-20/20, u predviđenom roku pristigla 1 (jedna) ponuda i to ponuda ponuđača:

#### 1. „ALFA-MED“ D.O.O. TOMISLAVGRAD

Prikaz prihvatljivosti ponuda prema obliku, sadržaju i potpunosti, iz zapisnika o otvaranju ponuda:

Redni broj omotnice ponude	Naziv ponuđača	CIJENA PONUDE
1.	„MEDICAL“ D.O.O. MOSTAR	Cijena jednog radnog sata bez PDV-a: 120,00 KM Cijena dolaska servisera bez PDV-a : 120,00 KM Ukupna jedinična cijena bez PDV-a: <b>240,00 KM</b>

Za ispunjavanje svih uslova predviđenih tenderskom dokumentacijom traženo je dostavljanje sljedećih dokumenata, obrazaca i izjava:

#### **Ponuđač je dužan u svrhu dokazivanja lične sposobnosti iz člana 45. ZJN BIH dokazati da:**

- a) u krivičnom postupku nije osuđen pravosnažnom presudom za krivična djela organizovanog kriminala, korupciju, prevaru ili pranje novca, u skladu sa važećim propisima u Bosni i Hercegovini ili zemlji u kojoj je registrovan;
- b) nije pod stečajem ili nije predmet stečajnog postupka, osim u slučaju postojanja važeće odluke o potvrdi stečajnog plana ili je predmet postupka likvidacije, odnosno u postupku je obustavljanja poslovne djelatnosti, u skladu sa važećim propisima u Bosni i Hercegovini ili zemlji u kojoj je registrovan;
- c) je ispunio obaveze u vezi sa plaćanjem penzijskog i invalidskog osiguranja i zdravstvenog osiguranja, u skladu sa važećim propisima u Bosni i Hercegovini ili propisima zemlje u kojoj je registrovan;
- d) je ispunio obaveze u vezi sa plaćanjem direktnih i indirektnih poreza, u skladu sa važećim propisima u Bosni i Hercegovini ili zemlji u kojoj je registrovan.

U svrhu dokazivanja uslova iz tački a) do d) ponuđač je dužan dostaviti popunjenu i ovjerenu kod nadležnog organa (općinskog organa uprave ili notara) izjavu koja je sastavni dio tenderske dokumentacije. Izjava ne smije biti starija od 15 dana od dana predaje ponude.

Ukoliko ponudu dostavlja grupa ponuđača, svaki član grupe je dužan dostaviti ovjerenu izjavu.

Ponuđač koji bude odabran kao najbolji u ovom postupku javne nabavke je dužan dostaviti slijedeće dokaze (original ili ovjerenu kopiju) u svrhu dokazivanja činjenica potvrđenih u izjavi i to:

- a) izvod iz kaznene evidencije nadležnog suda i Suda BiH da u krivičnom postupku nije osuđen pravosnažnom presudom za krivična djela organizovanog kriminala, korupciju, prevaru ili pranje novca, u skladu sa važećim propisima u Bosni i Hercegovini ili zemlji u kojoj je registrovan;
- b) izvod ili potvrda iz evidencije u kojim se vode činjenice da nije pod stečajem ili nije predmet stečajnog postupka, osim u slučaju postojanja važeće odluke o potvrdi stečajnog plana ili je predmet postupka likvidacije, odnosno u postupku je obustavljanja poslovne djelatnosti, u skladu sa važećim propisima u Bosni i Hercegovini ili zemlji u kojoj je registrovan;
- c) potvrde nadležne poreske uprave ili ukoliko se radi o ponuđaču koji nije registrovan u Bosni i Hercegovini, potvrda ili izvod iz evidencije na osnovu koje se može utvrditi da uredno izmiruje obaveze za penzijsko i invalidsko osiguranje i zdravstveno osiguranje.
- d) potvrde nadležne/ih institucija o uredno izmirenim obavezama po osnovu direktnih i indirektnih poreza.

U slučaju da ponuđači imaju zaključen sporazum o reprogramu obaveza, odnosno odgođenom plaćanju, po osnovu doprinosa za penzijsko-invalidsko osiguranje, zdravstveno osiguranje, direktne i indirektno poreze, dužni su dostaviti potvrdu nadležne institucije/a da ponuđač u predviđenoj dinamici izmiruje svoje reprogramirane obaveze. Ukoliko je

ponuđač zaključio sporazum o reprogramu obaveza ili odgođenom plaćanju obaveza i izvršio samo jednu uplatu obaveza, neposredno prije dostave ponude, ne smatra se da u predviđenoj dinamici izvršavaju svoje obaveze i taj ponuđač neće biti kvalifikovan u ovom postupku javne nabavke.

Dokazi koje je dužan dostaviti izabrani ponuđač moraju sadržavati potvrdu da je u momentu predaje ponude ispunjavao uslove koji se traže tenderskom dokumentacijom. U protivnom će se smatrati da je dao lažnu izjavu. Dokaze o ispunjavanju uslova je dužan dostaviti u roku od 7 dana od dana zaprimanja obavještenja o rezultatima ovog postupka javne nabavke. Dokazi koje dostavlja izabrani ponuđač ne mogu biti stariji od tri mjeseca, računajući od momenta predaje ponude. Naime, izabrani ponuđač mora ispunjavati sve uslove u momentu predaje ponude, u protivnom će se smatrati da je dao lažnu izjavu iz člana 45. ZJN BiH.

Ukoliko ponudu dostavlja grupa ponuđača, svaki član grupe mora ispunjavati uslove u pogledu lične sposobnosti i dokazi se dostavljaju za svakog člana grupe.

Ugovorni organ može diskvalifikovati ponuđača iz ovog postupka javne nabavke ukoliko može dokazati da je ponuđač bio kriv za ozbiljan profesionalni prekršaj u posljednje tri godine, ali samo ukoliko može dokazati na bilo koji način, posebno značajni i/ili nedostaci koji se ponavljaju u izvršavanju bitnih zahtjeva ugovora koji su doveli do njegovog prijevremenog raskida (npr. dokaz o prijevremenom raskidu ranijeg ugovora zbog neispunjavanja obaveze u skladu sa Zakonom o obligacionim odnosima), nastanka štete (pravosnažna presuda nadležnog suda za štetu koju je pretrpio ugovorni organ), ili drugih sličnih posljedica koje su rezultat namjere ili nemara tog privrednog subjekta (dokazi u skladu sa postojećim propisima u Bosni i Hercegovini).

Za ponuđače čije je sjedište izvan Bosne i Hercegovine ne traži se posebna nadovjera.

### **3.2. Ponudjač je dužan u svrhu dokazivanja sposobnosti obavljanja profesionalne djelatnosti kandidata (član 46. ZJN BiH) dokazati da je:**

- a.) registrovan u odgovarajućim profesionalnim ili drugim registrima u zemlji u kojoj su osnovali firmu za obavljanje djelatnosti koja je predmet ove nabavke u vrijeme predaje ponude,
- b.) da ponuđač ima ovlaštenje proizvođača opreme da pruža usluge iz predmeta javne nabavke za BiH.
- c.) upisan u registar veletrgovaca medicinskih sredstava kod Agencije za lijekove i medicinska sredstva BiH.

U svrhu dokazivanja uslova iz tačke a) ponudjač je dužan dostaviti

- aktuelni izvod iz sudskog registra ili izjavu ili potvrdu nadležnog organa iz koje se vidi da je ponudjač registrovan za obavljanje djelatnosti koja je predmet ove nabavke u vrijeme predaje ponude.

U svrhu dokazivanja uslova iz tačke b) ponuđač je dužan dostaviti

- ponudjač je dostaviti autorizaciju proizvođača opreme da je ovlašten distributer i serviser proizvođača predmetne opreme za BiH, i da može pružati usluge iz predmeta nabavke

U svrhu dokazivanja uslova iz tačke c) ponuđač je dužan dostaviti:

- odgovarajući važeći dokument (rješenje, potvrda i sl.) Agencije za lijekove i medicinska sredstva kojim se dokazuje da je ponuđač upisan u važeći registar veletrgovaca Agencije

Dokazi se dostavljaju kao neovjerene kopije originala, s tim da datum izdavanja originala za uslov pod tačkama a) i b) ne može biti stariji od tri mjeseca računajući od dana dostavljanja ponude.

Ponuđač koji bude odabran kao najbolji u ovom postupku javne nabavke je dužan dostaviti originale ili ovjerene kopije ranije navedenih dokumenata u roku od 10 (deset) dana od dana zaprimanja obavještenja o rezultatima ovog postupka javne nabavke.

Ukoliko ponudu dostavlja grupa ponuđača, svi članovi grupe zajedno moraju biti registrovani za obavljanje djelatnosti koja je predmet nabavke ili za dio predmeta nabavke.

### **3.3. Ponuđač je dužan u svrhu dokazivanja ekonomsko-finansijske sposobnosti iz člana 47. ZJN BiH dokazati da:**

- a) da je **glavni transakcijski bankarski račun** ponuđača aktivan i solventan

U svhu dokazivanja uslova iz tačke 3.3. ponudjač je dužan dostaviti:

- a) Izjava ovjerena od strane ponuđača, koja je dostavlja u formi iz Prilog broj 4. TD, koja ne smije biti starija od 15 (petnaest) dana od dana predaje ponude, i
- b) dostavljanje običnih kopija dokumenata/dokaza za uslov naveden u alineji a) odgovarajućeg dokumenta/ dokaza koji izdaje banka ponuđača ili druga institucija (Centralna banka) a kojim se dokazuje ispunjenje uslova da je glavni transakcijski bankarski račun ponuđača aktivan.

Ponuđač koji bude odabran kao najbolji u ovom postupku javne nabavke je dužan dostaviti originale ili ovjerene kopije ranije navedenog dokumenta (potvrda/ uvjerenje banke ponuđača) u roku od 7 dana od dana zaprimanja obavještenja o rezultatima ovog postupka javne nabavke.

### **3.4. Ponuđač je dužan u svrhu dokazivanja tehničke i profesionalne sposobnosti kandidata (član 48. i 50. ZJN BiH) dokazati:**

- a) da ima angažovano tehničko osoblje za poslove servisiranja predmetne opreme.

U svrhu dokazivanja uslova iz tačke a) ponuđač je dužan dostaviti:

- Izjavu ponuđača da ima certificiranog servisera za predmetnu javnu nabavku
- Certifikat na jednom od govornih jezika u BiH od strane sudskog tumača, original ili ovjerena kopija
- Spisak certificiranih servisera sa kontakt brojevima

### 3.5. Izjave ponuđača o uslovima i načinu pružanja usluga:

Ponuđač je dužan kao sastavni dio ponude dostaviti sljedeće izjave ovjene i potpisane od strane ovlaštene osobe:

- Izjava ponuđača da je ovlašten i ekskluzivni serviser i predstavnik firme General Electric za BiH
- Izjava o davanju garancije na pružene usluge od najmanje 3 /tri/ mjeseci od dana pružene usluge,
- Izjava ponuđača o odazivu servisera u roku kraćem od 24 sata u skladu sa tačkom 2.4. TD,
- Izjava ponuđača da će se svi kvarovi otkloniti u roku od 48 sati ukoliko nije potreban rezervni dio,
- Izjava ponuđača da će se kvarovi otkloniti u roku od 48 sati nakon nabavke rezervnog dijela ukoliko je isti potreban,
- Izjava ponuđača o posjedovanju važeće licence za instaliranje, servisiranje i održavanje opreme (u skladu sa „Pravilnikom o zaštiti od jonizirajućeg zračenja kod medicinske ekspozicije“) -za opremu koja je predmet tendera
- Izjava ponuđača o nepromjenljivosti cijene iz ponude za sve vrijeme trajanja okvirnog sporazuma
- Izjava ponuđača o mjestu isporuke u skladu sa tačkom 2.3. TD
- Izjava ponuđača o opciji važenja ponude od 120 /stotinudvadeset/ dana u skladu sa tačkom 10. TD,
- Izjava ponuđača o bezavansnom plaćanju u roku od 60 dana od dana prijema fakture na protokol Ugovornog organa u skladu sa tačkom 20. TD
- Izjava ponuđača da prihvata elektronsku korespondenciju sa Ugovornim organom

Izjava/Izjave se dostavljaju kao original dokument, ovjeren potpisom i pečatom ponuđača, i ne smiju biti starije od 15 /petnaest/ dana od dana predaje ponude.

## 4. PODACI O PONUDI

### 4.1. Sadržaj ponude i način pripreme ponude

Ponuda se zajedno sa pripadajućom dokumentacijom priprema na jednom od službenih jezika u Bosni i Hercegovini, na latiničnom ili ćirilničnom pismu. Pri pripremi ponude ponuđač se mora pridržavati zahtjeva i uslova iz tenderske dokumentacije. Ponuđač ne smije mijenjati ili nadopunjavati tekst tenderske dokumentacije.

#### PONUĐA MORA SADRŽAVATI:

- Osnovne podatke o ponuđaču na memorandumu ponuđača (adresa, sjedište, službeni e-mail ponuđača za komunikaciju i dostavu odluka, direktor, ID broj, naziv banke kod koje ima otvoren glavni račun sa brojem istog i sl.)
- Obrazac za ponudu – **Prilog broj 1 TD;**
- Obrazac za cijenu ponude – **Prilog broj 2 TD;**
- Izjava o ispunjenosti uslova iz člana 45. stav (1) tačaka od a) do d) Zakona o javnim nabavkama, ovjerena kod nadležnog organa (općinskog organa uprave, suda ili notara) -**Prilog broj 3 TD**
- Dokumenta kojima ponuđač dokazuje ispunjenost uslova iz člana 46. ZJN BiH u skladu sa tačkom 3.2. TD;
- Izjava i obične kopije dokumenata kojima dokazuje da ispunjava uslove iz člana 47. st. (1) tačaka od a) do d) i (4) Zakona o javnim nabavkama - **Prilog 4 TD.** U skladu sa tačkom 3.3. TD;
- Dokumenta kojima ponuđač dokazuje ispunjenost uslova iz člana 48. i 50. ZJN BiH u skladu sa tačkom 3.4. TD;
- Izjave ponuđača u skladu sa tačkom 3.5. TD
- Pismena izjava ponuđača iz člana 52. Zakona o javnim nabavkama, ovjerena kod nadležnog organa (općinskog organa uprave, suda ili notara) - **Prilog broj 5 TD,**
- Izjava dobavljača o prihvatanju garancije za dobro izvršenje okvirnog sporazuma u visini od 10% od vrijednosti okvirnog sporazuma- **Prilog broj 6 TD;**
- Potpisan, ovjeren i popunjen nacrt okvirnog sporazuma- **Prilog broj 7 TD.**
- Izjava ponuđača o prihvatanju općih i posebnih uslova tenderske dokumentacije - **Prilog broj 8 TD,**
- Original uvjerenja Vanjskotrgovinske komore Bosne i Hercegovine, Sektor za javna dokumenta u slučaju da ponudjač podliježe primjeni preferencijalnog tretmana domaćeg.
- Ukoliko ponudu, umjesto lica upisanog u sudski registar, potpisuje ovlašteno lice, potrebno je uz ponudu, dostaviti i original ili ovjerenu fotokopiju punomoći lica ovlaštenog za potpisivanje ponude.

**KOMISIJA KOJA PROVODI PREDMETNU JAVNU NABAVKU USLUGE – ODRŽAVANJE MEDICINSKE OPREME „GE“ ZA POTREBE JU KANTONALNA BOLNICA ZENICA KONSTATOVALA JE DA JE PONUĐAČ „MEDICAL“ D.O.O. MOSTAR DOSTAVIO SLJEDEĆU DOKUMENTACIJU KOJA ČINI SASTAVNI DIO PONUDE:**

- Naslovna strana ponude sa osnovnim podacima ponuđača potpisana i ovjerena od strane ovlaštene osobe,

- Uvjerenje iz Porezne uprave-Kantonalni porezni ured Mostar o poreznoj registraciji, od 23.10.2012. godine, ovjerena od strane nadležnog organa 02.03.2021. godine,
- Uvjerenje UIO BiH, Banja Luka, broj: 04/1 -17-1-UPJR/1-6060-2-/12 od 15.11.2012. godine, o registraciji/upisu obveznika u Jedinstveni registar obveznika indirektnih poreza, ovjerena od strane nadležnog organa 02.03.2021. godine,
- Uvjerenje suda BiH, broj Su:03-801/21 od 04.02.2021. godine, o činjenicama iz službene evidencije, kojom se potvrđuje da protiv pravnog lica nije izrečena pravosnažna osuđujuća presuda za krivična djela organizovanog kriminala, prevaru, korupciju i pranje novca u smislu čl.45.st.2 tačka a) ZJN BiH, ovjerena od strane nadležnog organa 02.03.2021. godine,
- Potvrda Općinskog suda u Mostaru, Su-uvip 280/2021 od 03.02.2021. godine, da prema ponuđaču nije izrečena pravosnažna presuda za krivična djela organizovanog kriminala, prevaru, korupciju, kopija ovjerena od strane nadležnog organa 02.03.2021. godine,
- Potvrda Općinskog suda u Mostaru, Su-uvip 279/2021 od 03.02.2021. godine da ponuđač nije pod stečajem kao i da nije predmet postupka likvidacije, kopija ovjerena od strane nadležnog organa 02.03.2021. godine,
- Uvjerenje Porezne uprave Federacije BiH, Porezna ispostava Mostar, broj: 13-7/1-12-5-1307-1/21- O.Š. od 04.02.2021. godine, da ponuđač nema duga po osnovu javnih prihoda, ovjerena od strane nadležnog organa 02.03.2021. godine,
- Uvjerenje UIO BiH, Regionalni centar Mostar, broj: 02/6/III-16-11-101-1/21 od 18.01.2021. godine, da ponuđač nema dospjelih a neizmirenih obaveza po osnovu indirektnih poreza i ostalih prihoda, ovjerena od strane nadležnog organa 12.03.2021. godine,
- Aktuelni izvod iz sudskog registra, Općinski sud u Mostaru, od 08.02.2021. godine, kopija ovjerena od strane nadležnog organa 02.03.2021. godine,
- Potvrda Raiffeisen Bank Filijala Mostar, o solventnosti transakcijskog računa od 03.02.2021. godine, kopija,
- Potvrda o ekkluzivnom servisnom zastupništvu proizvođača "GE Healthcare" (na engleskom jeziku) kopija, ovjerena od strane nadležnog organa 02.03.2021. godine,
- Potvrda o ekkluzivnom servisnom zastupništvu proizvođača "GE Healthcare" (prevod) kopija, ovjerena od strane nadležnog organa 02.03.2021. godine,
- Autorizacija proizvođača "GE Healthcare" (na engleskom jeziku) kopija, ovjerena od strane nadležnog organa 23.02.2021. godine,
- Autorizacija proizvođača "GE Healthcare" (prevod) kopija, ovjerena od strane nadležnog organa 05.03.2021. godine,
- Izjava o autorizaciji servisa za podružje Bosne i Hercegovine, proizvođača "GE Healthcare" (na engleskom jeziku) kopija, ovjerena od strane nadležnog organa 05.03.2021. godine,
- Izjava o autorizaciji servisa za podružje Bosne i Hercegovine proizvođača "GE Healthcare" (prevod) kopija, ovjerena od strane nadležnog organa 23.02.2021. godine,
- Lista osiguranih lica iz Porezne uprave FBIH, Porezni ured Mostar kopija, ovjerena od strane nadležnog organa 02.03.2021. godine,
- Certifikat o postignuću na ime Burić Almir (engleski jezik), kopija, ovjerena od strane nadležnog organa 02.03.2021. godine,
- Certifikat o postignuću na ime Burić Almir (prevod), kopija, ovjerena od strane nadležnog organa 02.03.2021. godine,
- Potvrda o postignuću na ime Semir Bozalija (engleski jezik), kopija, ovjerena od strane nadležnog organa 02.03.2021. godine,
- Potvrda o postignuću na ime Semir Bozalija (prevod), kopija, ovjerena od strane nadležnog organa 02.03.2021. godine,
- Potvrda o postignuću na ime Nihad Turković (engleski jezik) – LOGIQ C2/C3 I C5 kopija, ovjerena od strane nadležnog organa 02.03.2021. godine,
- Potvrda o postignuću na ime Nihad Turković (prevod) LOGIQ C2/C3 I C5, kopija, ovjerena od strane nadležnog organa 02.03.2021. godine,
- Potvrda o postignuću na ime Nihad Turković (engleski jezik) – US LOGIQ kopija, ovjerena od strane nadležnog organa 02.03.2021. godine,
- Potvrda o postignuću na ime Nihad Turković (prevod) US LOGIQ, kopija, ovjerena od strane nadležnog organa 02.03.2021. godine,
- Potvrda o postignuću na ime Mirsad Pehlić (engleski jezik), kopija, ovjerena od strane nadležnog organa 02.03.2021. godine,
- Potvrda o postignuću na ime Mirsad Pehlić (prevod), kopija, ovjerena od strane nadležnog organa 02.03.2021. godine,
- Potvrda o postignuću na ime Mr Tarik Sendro (engleski jezik), kopija, ovjerena od strane nadležnog organa 02.03.2021. godine,
- Potvrda o postignuću na ime Tarik Sendro (prevod), kopija, ovjerena od strane nadležnog organa 02.03.2021. godine,
- Rješenje Agencije za lijekove i medicinska sredstva BiH, broj: 10-07.12-4-548-1/17 od 20.02.2017. godine o upisu ponuđača u Registar veleprometnika medicinskim sredstvima, kopija, ovjerena od strane nadležnog organa 02.03.2021. godine,
- Rješenje Agencije za lijekove i medicinska sredstva BiH, broj: 10-07.12-4-548-4/17 od 04.01.2019. godine o izmjeni rješenja (izmjena odgovornog lica), kopija, ovjerena od strane nadležnog organa 02.03.2021. godine,
- Obrazac za dostavljanje ponude, **Prilog broj 1**, popunjen, ovjeren i potpisan od strane ovlaštene osobe;

- Obrazac za cijenu ponude, **Prilog broj 2**, popunjen, ovjeren i potpisan od strane ovlaštene osobe;
- Obrazac izjave o ispunjenosti uslova iz člana 45. stav (1) tačka od a) do d) Zakona o javnim nabavkama BiH, **Prilog broj 3**; ovjerena od strane nadležnog organa 02.03.2021. godine
- Izjava o ispunjenosti uvjeta iz člana 47. stav (1) tačke od a) do d) ZJN, **Prilog broj 4**, potpisana i ovjerena od strane ovlaštene osobe;
- Pismena izjava iz člana 52. ZJN, **Prilog broj 5**, ovjerena od strane nadležnog organa 02.03.2021. godine,
- Obrazac izjave o dostavi garancije za uredno izvršenje ugovora, **Prilog broj 6**, popunjen, ovjeren i potpisan od strane ovlaštene osobe;
- Nacrt okvirnog sporazuma, popunjen i parafiran od strane ponuđača, **Prilog broj 7**;
- Obrazac izjave o prihvatanju općih i posebnih uslova tenderske dokumentacije, **Prilog broj 8**, popunjen, ovjeren i potpisan od strane ovlaštene osobe;
- Obrazac za povjerljive informacije, **Prilog broj 9.**, (nema povjerljivih informacija) potpisan i ovjeren od strane ovlaštene osobe,
- Izjava ponuđača o roku plaćanja , potpisana i ovjerena od strane ovlaštene osobe
- Izjava ponuđača da je mjesto isporuke JU KBZ, potpisana i ovjerena od strane ovlaštene osobe
- Izjava ponuđača o nepromjenjivosti cijena za vrijeme trajanja okvirnog sporazuma, potpisana i ovjerena od strane ovlaštene osobe;
- Izjava ponuđača o roku plaćanja - 60 dana, potpisana i ovjerena od strane ovlaštene osobe;
- Izjava ponuđača o opciji važenja ponude (120 dana), potpisana i ovjerena od strane ovlaštene osobe;
- Spisak servisera osposobljenih za servisiranje medicinske opreme, potpisana i ovjerena od strane ovlaštene osobe;
- Izjava ponuđača o ovlaštenom servisu, potpisana i ovjerena od strane ovlaštene osobe;
- Izjava ponuđača o garantnom roku od 3 (tri) mjeseca, potpisana i ovjerena od strane ovlaštene osobe,
- Izjava ponuđača o odazivu servisera, potpisana i ovjerena od strane ovlaštene osobe,
- Izjava ponuđača o vremenu potrebnom za otklanjanje kvara, potpisana i ovjerena od strane ovlaštene osobe,
- Izjava ponuđača o vremenu potrebnom za otklanjanje kvara – 48 sati nakon nabavke rezervnog dijela, potpisana i ovjerena od strane ovlaštene osobe,
- Izjava ponuđača o posjedovanju važeće licence za instaliranje, servisiranje i održavanje opreme, potpisana i ovjerena od strane ovlaštene osobe,
- Popis dostavljene dokumentacije, potpisana i ovjerena od strane ovlaštene osobe.

**Analizom ponude ponuđača „MEDICAL“ D.O.O. MOSTAR Komisija koja provodi predmetnu javnu nabavku usluge održavanje medicinske opreme proizvođača GE za potrebe JU Kantonalna bolnica Zenica utvrdila je da je ponuda uvezana na način utvrđen T.D., da je ponuda uredno numerisana, da je ponuđač dostavio “ORIGINAL” i “KOPIJU” ponude u skladu sa tačkom 4.2. TD, da je ponuđač dostavio dokumenta, obrasce i izjave tražene tenderskom dokumentacijom o ispunjavanju uslova traženih u pogledu:**

- lične sposobnosti iz člana 45. ZJN BiH a u skladu sa tačkom 3.1. TD,
- profesionalne sposobnosti iz člana 46. ZJN BiH, a u skladu sa tačkom 3.2. TD, gdje se iz aktuelnog sudskog registra jasno vidi da je imenovani ponuđač registriran za obavljanje djelatnosti koja je predmet ove nabavke, da je upisan u registar veletrgovaca medicinskim opremom koji se vodi kod Agencije za lijekove i medicinska sredstva BiH, te da je ovlašten distributer za predmetnu nabavku u BiH
- ekonomsko-finansijske sposobnosti (u skladu sa članom 47. ZJN BiH) a kako je propisano tačkom 3.3. TD
- tehničke i profesionalne sposobnosti iz člana 48. i 49. ZJN BIH u skladu sa tačkom 3.4. TD, odnosno da ima angažovano tehničko osoblje za održavanje predmetne usluge
- te da je isti dostavio sve potrebne izjave iz tačke 3.5. TD koje čine sastavni dio ponude, a iste su potpisane i ovjerene od strane ovlaštene osobe.

**Ponuđač ne ispunjava uslove za primjenu preferencijalnog tretmana domaćeg obzirom da nije postupio u skladu sa tačkom 5. TD i dostavio potrebnu dokumentaciju propisanu navedenom tačkom.**

**Ponuđač je dostavio potrebnu dokumentaciju iz člana 45. ZJN BIH u skladu sa tačkom 3.1. TD te u slučaju da bude odabran kao najpovoljniji ponuđač Odlukom o izboru neće biti dužan dostavljati već dostavljenu dokumentaciju.**

**Prema svemu gore navedenom ponuda ponuđača „MEDICAL“ D.O.O. MOSTAR za nabavku usluge održavanje medicinske opreme proizvođača GE za potrebe JU Kantonalna bolnica Zenica na period od 2 (dvije) godine, u cjelosti zadovoljava sve uslove iz tenderske dokumentacije, te je kao takva u cjelosti prihvatljiva Ugovornom organu.**

U tenderskoj dokumentaciji za nabavku usluge: Održavanje medicinske opreme proizvođača “GE” za potrebe JU Kantonalna bolnica Zenica, JRJN oznaka predmeta nabavke: 50421000-2 USLUGE ODRŽAVANJA I POPRAVAKA MEDICINSKE OPREME, procjenjena vrijednost nabavke iznosi 16.000,00 KM,

Kriterij za dodjelu ugovora je:

Najniža cijena tehnički prihvatljive ponude

Također, tenderskom dokumentacijom planirano je provođenje e-aukcije.

Komisija je izvršila vrednovanje ponuda kako slijedi:


RED. BR. PONUDE	PONUĐAČ	CIJENA bez PDV-a
1.	"MEDICAL" D.O.O. MOSTAR	Cijena jednog radnog sata bez PDV-a: 120,00 KM Cijena dolaska servisera bez PDV-a : 120,00 KM Ukupna jedinična cijena bez PDV-a: <b>240,00 KM</b>

Obzirom da je za nabavku usluge: održavanje medicinske opreme proizvođača GE za potrebe JU Kantonalna bolnica Zenica, pristigla samo jedna kvalificirana ponuda, zakazivanje i provođenje e-aukcije u tom slučaju se ne provodi iz objektivnih razloga, shodno utvrđenoj rang listi, Komisija koja provodi predmetnu javnu nabavku jednoglasno daje preporuku direktoru JU Kantonalne bolnice Zenica da za nabavku usluge održavanje medicinske opreme proizvođača GE za potrebe JU Kantonalna bolnica Zenica, izvrši odabir i donese Odluku o dodjeli i zaključivanja okvirnog sporazuma na period od 2 (dvije) godine na procijenjenu vrijednost ponude od 16.000,00 KM bez PDV-a sa gore datim jediničnim cijenama ponuđaču "MEDICAL" D.O.O. MOSTAR kao jedinom prihvatljivom ponuđaču.

Na osnovu gore navedenog, donesena je odluka kao u dispozitivu.

**POUKA O PRAVNOM LIJEKU:**

Protiv ove odluke može se uložiti žalba  
Kantonalnoj bolnici Zenica u roku od 5/pet/  
dana od dana prijema iste.


**DIREKTOR**  
 Prof.dr.sc.prim Skomorac Rasim  
*Amela J. Arifović*

